

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 94. Regis copiæ in Aquitanniam missæ

[urn:nbn:de:hbz:466:1-66507](https://nbn-resolving.de/urn:nbn:de:hbz:466:1-66507)

§. XCIII.

Sæcul. XV.
A.C. 1452.

*Burdegalenses Anglis adhærere
parati.*

Præcipui hujus rebellionis Auctores erant Durafus, Esparrus, Rosanus, Landius, Langladius, & Monserrandus unacum aliis quibusdam Civium primis. Hos inter duo postremi in Angliam profecti significabant, Burdegalenses Francicum imperium libenter excusuros, dummodo Angli eis subsidium ferrent. Placuit Regi consilium, datumque est Talboto Belliduci negotium, ut rupta omni mera cum quatuor Anglorum milibus Burdegalam contenderet. Hic ad Medulos exscensione facta quasdam urbes occupaverat, inde Angli Burdegalam die vigesima tertia Octobris processerunt, clam a civibus in urbem admissi; horum enim nonnulli seditionem moverant in Olivarium Cotinum Aquitaniæ Senescallum, qui rebellium farori exigua militum manu resistendo impar, unacum toto Gallorum præsidio captus est.

§. XCIV.

Regis copiæ in Aquitanniam missæ.

Rex, ubi sinistrum hunc casum summo animi moerore compererat, confessim

Y 5 Jalognio

Sæcul. XV. Jalognio Marescallo, Orvallio, Joachimo
A.C. 1452. Rouantio, pluribusque aliis belli Præfectis commisit, ut cum sexcentis Lanceariis, suisque Sagittariis accurrerent, urbesque Burdegalæ vicinas tuerentur, & Claromontii Comitis, hujus Provinciæ Præfecti jussis obtemperarent, donec ad futurum bellum major fieret apparatus. Interea vero Angli, quatuor millium armatorum suppeditiis, quas Talboti filius adduxerat, necnon octoginta qua majoribus, qua minoribus navibus, omni armorum genere instructis augmentur, ac primo victoriæ cursu Castillonum, Cadillacum, Liburniam, Fronsacum, multaque alia exigui nominis oppida, & castra occupant, inter quæ tamen Fronsacum, cui Gainachius præerat, ceteris longe validissimum erat.

§. XCV.

Græcorum tumultus adversus unionis decretum.

Nec majori tranquillitate fruebantur Græci, utpote circa unionis decretum in partes divisi. Huic malo insuper accessit, quod foris quoque gravius instarent Mahometis II. molimina, qui totus in eo erat, ut urbem, imperiumque suæ subjiceret potestati. Tunc temporis equidem Constantinus Isidorum Cardina-